



ՎԱՂԱՐՇԱՊԱՏԻ 1467 թ. ՃԱՌԸՆՏԻՐԸ

1467 թ. Մայր Աթոռ Սուրբ Էջմիածնում աղբամարցի հայտնի գրիչ Հայրապետ արքեպիսկոպոստի սկսում է ընդօրինակել Ճառքնտիր մի ժողովածու, բայց հանգամանքների բերումով այն ավարտում է Աղբամարում:

«Եւ արդ, ես՝ անպատուս ի բարեաց և... սոսկանուն արքեպիսկոպոստի Հայրապետ, բազում և մեծ աշխատութեամբ հասուցի զսա յաւարտումն՝ գկէսն ի Սուրբ Էջմիածինն, և գկէսն յաստուածարնակ կղզին Աղբամար, ընդ հովանեաւ գմբեթահարկ Սուրբ Խաչիս և Սուրբ Սարգիս Զօրավարիս և ալ ամենայն սրբոց՝ որ աստ կան հաւաքեալ: Ի հայրապետութեան տեառն Ստեփաննոսի Հայոց Կաթողիկոսի Աղբամարայ շնորհալից Աթոռոյս. ի քականութեանս Հայոց ԶԺԶ /1467/, ի ժամանակիս, յորում կամք ընդ հարկի ծառայութեան ազգին նետողաց,

[ի խնդրոյ ֆախրկանց տանուտէր Յոհաննուի]:

Յավով պետք է նշել, որ Մեծ եղեռնի տարիներին ձեռագրական այլ բազում միավորների հետ կորստի է մատնվել նաև այս ձեռագիրը: Ղևոնդ վարդապետ Փիրղալեմյանը այս ձեռագիրը տեսել է 1865 թ. Վանի Ս. Սահակ եկեղեցում, որտեղից էլ բանաձևով է հիշատակարանային այս հատվածը¹:

Որ Հայրապետը ձեռագիրն էջմիածնում չավարտեց, կային պատմական որոշակի պատճառներ:

Ժժ դարի սկզբին, Լենկ-Թեմուրի մահից հետո, կործանվեց նրա հսկայածավալ պետությունը: Սկսվում են անընդհատ ռազմական ընդհարումներ մի կողմից Թեմուրի որդիների, մյուս կողմից Ադ-Կոյունլու և Կարա-Կոյունլու բուրքմեն ցեղերի միջև: Ջհանշահ տիրակալի օրոք /1437-1467/, հզորանում է Կարա-Կոյունլու ցեղախումբը: Այս ընթացքում, համեմատաբար խաղաղ պայմաններում, 1441 թ. ողջ հայ ժողովրդի և Հայաստանյայց Առաքելական Սուրբ Եկեղեցու կյանքում տեղի ունեցավ կարևոր մի իրադարձություն: Կաթողիկոսական

¹ Նոտարք Հայոց, հաւաքեալ և ի լոյս ածեալ ձեռամբ Ղևոնդ վարդապետի Փիրղալեմյան Տոսրեցոյ վարազալ վանուց վանականի, Կոստանդնուպոլիս, 1889, էջ 231 /այսուհետ՝ Նոտարք/: Տե՛ս նաև Ժժ դարի հիշատակարաններ, կազմեց Լ. Ս. Խաչիկյան /այսուհետ՝ Ժժ դարի հիշատակարաններ/, Է. Բ. Երևան, 1958, էջ 257:

² Նոտարք, էջ 231:

Աթոռը, դարավոր դեգերումներից հետո, վերահաստատվեց Վաղարշապատ քաղաքում: Կարևորագույն պատմական այս իրադարձությունից հետո վերածնվում և յուրատեսակ աշխուժացում է ապրում Սուրբ Էջմիածնի թե՛ կրոնական և թե՛ մշակութային նյւնքը: Հայաստանի կենտրոններից ու տարբեր գավառներից Մայր Աթոռ են շտապում այնպիսի խոշոր գործիչներ ու գրչության արվեստի վարպետներ, ինչպիսիք են Բավա Մեծոփեցի ընտանեկան դպրոցի ղեկավարը, Հովհաննես Կոյունյանը, ինչպիսիք են Բավա Մեծոփեցի ընտանեկան դպրոցի ղեկավարը, Հովհաննես Կոյունյանը, ինչպիսիք են Բավա Մեծոփեցի ընտանեկան դպրոցի ղեկավարը, Հովհաննես Կոյունյանը:

1450-ական թթ. վերջին, երբ Ջահանշահ իր արևելյան նվաճումներն էր իրագործում, Հայաստանում դարձյալ վտանգվում է խաղաղությունը: Հարավում Բաղեշի քրդերը փորձում են լատենավերել Սուրբ Էջմիածնի Աղթամար՝ «գամենեսեան ի սուր սուսերի մաշելու և գարբութիւնս գերի վարելու» մտադրությամբ: Աղթամարի Ջաֆարիա Գ /1434-1464/ ֆաջարի Կաթողիկոսն իր զինական ուժերով դուրս է գալիս նրանց դեմ, գրավում լատենավերել և փրկում Աղթամարը կողոպուտից: Ջահանշահի գալստյան լուրն առնելով և սնույալ լինելով նրա անձի դեմ պատրաստվող մահափորձի մասին, Ջաֆարիա Աղթամարցին ընդառաջ է գնում և հանդիպում նրան խոյ քաղաքում: Այս պարագայում շահելով Ջահանշահի վստահությունը, արժանանում է Էջմիածնի կաթողիկոսական գահին ու Լուսավորչի Աջին³:

Այսպիսով Ջաֆարիա Աղթամարցի Կաթողիկոսը Ջահանշահ գահակալի միջոցով կարողանում է «աիրել» Էջմիածնի կաթողիկոսական Աթոռին: Նրա միակ երազանքն էր՝ վերականգնել Հայոց թագավորությունը: Նա Մոսկովյանին՝ իր քրոջ որդուն, պատվիրում է գրել Զեռնադրության Մաշտոց, որտեղ ամփոփված էր նաև «Թագաւորոգիւնէք» կանոնը: Սկսած էր առիթը, որ ստիպված էր թողնել Էջմիածինը: Էջմիածնում ապրում էր Ջաֆարիա Մոսկովյանին եղբայրացու էր ձեռնադրել:

Ջաֆարիայի մահից հետո Աղթամարի կաթողիկոսական գահին է բազմում Մոսկովյանը: Նա շտապում է ի կատար ածել իր բռնու՝ Ջաֆարիա Կաթողիկոսի փայփայած երազը. 1465 թվականին արքայական գահ է բարձրացնում իր եղբորը՝ սմբատին /1465-1467/, Զեռնադրության ժամանակ օգտագործելով իր իսկ ձեռքով օրինակած Վաղարշապատի Մաշտոցը⁴: Այս անմիջապես /1467/, Ջահանշահի

³ Իր գրած մի կոնդակի մեջ Ջաֆարիան ասում է Էջմիածնի կաթողիկոսական Աթոռին տիրելու և երկու Աթոռների միացման պատուով: «... կամէին սպանանել զինքն /զ. Ջահանշահն- ձ. ձ. / և զիւր մարդիքն: Մեք էլ ի մէջ մտաք և ի մեզանէ ԲՃԹ /200.000/ դեկան ելա՝ խլըսեցի զլորեանքն ի մանուսնէ: Փաշտանք/որ/ տեսաւ տաքք՝ երբ դու էնց լաւ մարդ ես՝ Էջմիածին /և/ Աջ քեզ. մեք էլ յանձն առաք Էջմիածնի սիրոյն եւ/մար/ Ու սաք փաթառն՝ Ջինչ հասըլ կայ՝ առ քեզ, որ զինչ աւեր կայ շինես, էս քանի տարի զ/աշխարհս կերան ու աւեր պահեցին:

Մեք էլ եկաք/է/, շատ վարպետ բռնեցաք, որ զպակասութիւն և զթեր/ութիւն/ լնուցէ ի յԱրարատեան գաւառս: Ջինչ պատ/ու/կան եղիսկոպատ և վարդապետ, ազատորդիք և երևելի տան/ու/տէրք՝ ամենեքեան ի յաթոս ժողովեցան և մեծ սիրով ընկալան զմեզ և հնազանդեցան. և մեք /ը/տղութեամբն Աստուծայ մեծաւ եանդիսիւ հսկումն արարաք և մեծան արեւնեցաք և Գ/3/ եղիսկոպատ, և շնորհարարշխու/թիւն/ կատարեցաք: Տես ժեղադի եիշատակարաններ, Ե. Բ, էջ 173: Մաշտոցը անվան Մատենադարան /Մ. Մ. /, ձեռ. հմթ. 479, 348ք:

⁴ Այս մասին տե՛ս՝ Հովիկ Հայրապետյան, Վաղարշապատի Մաշտոցը. «Էջմիածին», 1994, հունիս-հուլիս, էջ 87 /այսուհետ՝ Վաղարշապատի Մաշտոցը/:

աջակցությամբ, Ստեփանոս Կաթողիկոսը անապարտում է Մայր Աթոռ Սուրբ Էջմիածին՝ իր հետ տանելով մորաքրոջ որդուն՝ Հայրապետ արքեպիսկոպոսին, որն այստեղ ձեռնարկում է վերոհիշյալ Ճառընտիրի գաղափարումը։ Սակայն եթե առաջին դեպքում Ջհանշահի բացակայությունն էր պատճառը, որ Ջաֆարիա Աղթամարցին թողներ Էջմիածինը, ապա երկրորդ պարագայում՝ Ջհանշահի մահն է պատճառը /1467/, որ Հայրապետ գրիչն անապարտ է թողնում սկսված Ճառընտիրը և Ստեփանոս Կաթողիկոսի հետ վերադառնում Աղթամար, որտեղ էլ ավարտում է այս ձեռագիր ժողովածուն։

Ճառընտիրի հիշատակարանում տեղ գտած «զկեսն ի Սուրբ Էջմիածինն» արտահայտության տողատակում Փիրդայեմյանը ծանոթագրում է. «Ինձ թուի, թէ սոյն Հայրապետ արքեպիսկոպոսը ևս գնացեալ էր ընդ Ստեփաննոս կաթողիկոսին Աղթամարայ ի Սուրբ Էջմիածին ... քանզի էր սա այր նշանաւոր և միանգամայն մօրհեռ որդի Ստեփաննոս Կաթողիկոսին Աղթամարայ»⁵։

Լինելով հմուտ գրիչ, ինքը՝ Ստեփանոս Կաթողիկոսն Էջմիածին պիտի տաներ այնպիսի ճանաչված գրչի, ինչպիսին Հայրապետ արքեպիսկոպոսն էր։ Նրա մասին պահպանված կենսագրական տվյալները ամբողջական չեն, իսկ եղածներն էլ թերի են։ Մաղափա արքեպիսկոպոս Օրմանյանը, անդրադառնալով Ստեփանոս Կաթողիկոսի գործունեությանը, գրում է, որ Հայրապետը Ստեփանոսի հետ պետք է որ գնացած և վերադարձած լինի Էջմիածնից Աղթամար։ Եվ եթե «Ճառընտիրի լաւ մասը կրցաւ նա Էջմիածնի մէջ գրել, ուրեմն միշտ մը այն տեղ մնացած էր, և ըստ այսմ Ստեփանոսը 1467-ին Էջմիածնի տիրացած և 1468-ին Էջմիածնէ փախած կրնանք դնել»⁶։

Մենք այն կարծիքին ենք, որ Ստեփանոսը Հայրապետի հետ 1467-ին է թողել Էջմիածինը։ Նախ հիշատակարանը, որը խոսում է ձեռագրի ավարտի մասին. «քազում և մեծ աշխատութեամբ հասուցի զսալաւարտումն... ի քականութեանս Հայոց ԶԺԶ /1467/»⁷։ Այս թվականին մահանում է նաև Ջհանշահ գահակալը, և Հասան Ալին այլ ֆաղափականություն է վարում, ուստի Ստեփանոսը չէր կարող ևս մեկ տարի մնալ Էջմիածնի գահի վրա։

Հայրապետի կենսագրությունից հայտնի է, որ որդին է Խաչիկի /Խաչատուր/ և Ոսկիտիկիների, բրոջ որդին է Աղթամարցի Թովմա Մինասենց նշանավոր վարդապետի, որի կողմից առաջին անգամ՝ 1425 թ. հիշվում է որպես «նորաքոռոջ սարկաւագ», իսկ 1428-ին օգնում է Բեռուն թուղթ կոկելով, ապա Աղթամարի վանքի միաբան է դառնում 1441-ին։ Լինելով նշանավոր գրիչ, նա օրինակել է բազում Ավետարաններ, Ճառընտիրներ, Մաշտոցներ, Ճաշոց և այլն⁸։

Անգրադառնալով Հայրապետ արքեպիսկոպոսի օրինական ձեռագրերի հիշատակարաններին, նկատում ենք նրա խորին երախտագիտությունն իր Բեռուն և ուսուցչի՝ Ժամանակի մեծ փիլիսոփա և գրչարվեստի գիտակ Թումա Մինասենցի հանդեպ։

⁵ Նոտարք, էջ 231։

⁶ Մ. Օրմանեան, Ազգապատում, մասն Բ, Կ. Պոլիս, 1914, էջ 2174։

⁷ Նոտարք, էջ 231։

⁸ Այս մասին տե՛ս՝ Հրաչյա Աճառյան, Հայոց անձնանունների քառարան, Կ. Գ. Երևան, 1946, էջ 45։ Տես նաև Ժն դարի հիշատակարաններ, Կ. Ա. Բ. Գ. անվանացանկերը։

Հայտնի է, որ Թուման գործել է 1420-ական թվականներից մինչև 1455 թ., մատենագիր է, գրիչ և ծաղկող: Զբաղվել է նաև երաժշտությամբ: Միմեոնի և Արղունի որդին է: Ուսանել է հորեղբոր՝ Մկրտիչ կրոնավորի և Էփու՝ Թումա Միակյացի մոտ, Աղթամարում: Լինելով նույն վանքի միաբան, ձեռնադրվել է արքեպիսկոպոս և ուսուցանել տեղի դպրոցում՝ ից մինչև մահը գրչության արվեստ է ուսուցանել տեղի դպրոցում՝ վաշելելով մեծ համբավ⁹: Ժամանակակիցները մեծ հարգանքով են վերաբերվել նրան՝ անվանելով «անյաղթ փիլիսոփայ»¹⁰ և «պատուական կրօնաւոր»¹¹:

Հայրապետից բացի Թումա Մինասեցի աշակերտներից հայտնի էին նաև Ներսես եպիսկոպոսը և նրա եղբայր Ստեփանոս Աղթամարցի կաթողիկոսը /որը հետագայում շինություններ է նվիրել Թումա վարդապետին/¹²: Լ. Խաչիկյանի հավաստմամբ, նրա գրած ընդարձակ հիշատակարանները պարունակում են հարուստ և հավաստի պատմական փաստեր և իրավունք են տալիս նրա հեղինակին պատվավոր տեղ գրավելու ժն դարի հայ մատենագիրների շարքում¹³:

1425 թ. օրինակած Ավետարանում Թուման իր հարազատների կողքին հիշում է նաև «զնոդառողքոջ տղայն զՀրապետ սարկաւազն՝ զԲերդորդին իմ, պահեսցէ Գրիստոս Աստուած յամենայն արկածից չարին և ողորմեսցի սմին. ամէն»¹⁴:

Աղթամարում հաստատված այս խաղաղ ապամեններում էլ ուսուցչի հովանու ներքո անում ու գրչության արվեստի մանրամասներին է ծանոթանում Հայրապետը:

Իսկ 1428 թ. մեկ այլ ձեռագրում նույն գործվանքով Թուման գրում է. «և նորաբողոքոջ Բերդորդւյն իմոյ Հայրապետ կրօնաւորի, որ աւգնական և ձեռնուտու եղև [սմա՝ կոչելով զնիւթ բոթիս]...»¹⁵:

Նկատելի է սի հանգամանք, որ եթե 1425-ին Թումա Մինասեցը Հայրապետին կոչում է «նորաբողոքոջ տղայ», ապա երեք տարի հետո «տղա» բառը փոխարինվում է «կրօնաւոր»-ով: Սովորաբար «տղայ» էր կոչվում պատանեկան տարիքի անձը, մանավանդ, որ Հայրապետը սարկավագի աստիճան ուներ, այս շրջանում պետք է լինեին 18-ից 20 տարեկան, այսինքն՝ նրա ծննդյան թիվը կարելի է դնել 1405-ից 1407 թթ.:

⁹ Հայկական Սովետական Հանրագիտարան, հ. 4, էջ 202:

¹⁰ Ժն դարի հիշատակարաններ, հ. Ա, էջ 633:

¹¹ Նույնը, հ. Բ, էջ 128: Տե՛ս նաև՝ Հ. Հ. Հակոբյան, Վասպուրականի մանրանկարչությունը, Երևան, 1976, գիրք Ա, էջ 104:

¹² Ն. Ակիմեան, «Գաւազնագիրք կաթողիկոսաց Աղթամարայ», պատմական ուսումնասիրություն, Վիեննա, 1920, էջ 118, այսուհետ՝ Գաւազնագիրք:

¹³ Ժն դարի հիշատակարաններ, հ. Ա, էջ 705:

¹⁴ Նույն տեղում, էջ 327: Մ. Մ. հմբ. 5542, էջ 240ա: Իր ժամանակի իրավիճակի և բողոքոջան սպասվելիք «արկածների» մասին Թուման գրում է. «Աւաղ... դառնութեան ժամանակս, որ մեք պատահեցաք, վասն զի աշխարհս մեր աւերակ, և սեղանք և դրունք բեկեղեցեաց մերոց տապալեալ, և սպասք սրբութեանցն գերի վարեալ և օրհնեղութիւնքն Աստուծոյ լուեալ ի բոլոր երկիրս մեր»: Այնուհետև Թուման, սակայն, առանձնացնում է «խոյակապ Սուրբ Խաչ» եկեղեցին, որն էլ մնացել է հզոր և անասան ու անպարտելի, «որ և աջ անեղին Աստուծոյ հրեղէն պարոսպ եղիցի սմա՝ պահելով առանց փորձանաց ի պարծանս ամենայն քրիստոնէից»: Նույն տեղում, էջ 325-326:

¹⁵ Նույն տեղում, էջ 377: Մ. Մ. հմբ. 6324, 302ա:

1441-ին, Թուման ծաղկելով Դանիել գրչի օրինակած Ավետարանը, հիշվում է Սարգսի, Խաչիկի, Հովհաննեսի, Ավետիսի և «Հերպետ»-ի հետ¹⁶։ Հայրապետի մասին Փիրղալեմյանը ծանոթագրում է. «Էր սա բուերորդի Մինասենց Թումա վարդապետի, և եղև քաջ նուար յաւուրս Սոսիանոս Գ կաթողիկոսին Աղթամարայ, որ նստաւ յետ մեծին Զամարիայի 1464 ամի անդ»¹⁷։

Երեմ տարի հետո, 1444 թ., Թումա Մինասենցը, ծաղկելով մեկ այլ Ավետարան, հիշատակարանում այն միտքն է հայտնում, թե տեսնելով Հայրապետ գրչի փափագն ու սերը, «գոր ունէր առ հոգևորն», և անսայով նրա աղայանքներին, «յանձն առի և ետու գծագրել զսա բուերորդւոյն իմոյ Հայրապետ արեղային ի ստոյգ և յընտիր աւրինակէ»¹⁸։ Նախ նշենք, որ սա առաջին հիշատակությունն է, որտեղ Հայրապետը ներկայանում է որպես արեղա։ Այսպես, արդեն 38 տարեկան հասակում արեղայական ձեռնադրություն ստացած նոր-ընծային թույլատրվում է ուսուցչի հսկողության ներքո գծագրել, այն է՝ օրինակել ձեռագիրը։ Հայրապետն իր առաջին գաղափարած ձեռագրում խնդրում է. «Ընդ նոսին և մեզ արարէ՛ք յիշման արժանի՝ մեղաւ տառապեալ ոգիս զՀայրապետ սոսկանուն արեղայս՝ գծագրող տառիս, և գծնաւոյսն իմ՝ զՆաչիկ և զՍևկիտիկին, և զեղրայրն իմ զՅոհաննէս, և զԲոյրն իմ զՎարդ-Նաթուն, և լի բերանով և բոլորախաւս լեզուաւ Աստուած ողորմի ասացէ՛ք մեզ և ձեզ ողորմեսցի Բրիստոս. ամէն»¹⁹։

1445 թ. Թուման գաղափարած Մաշտոցում հիշում է Հայրապետին,²⁰ իսկ նույն թվականին ավարտած մի գանձարանում խնդրում է հիշել «Հայրապետ սրբակրան արեղայի՝ լերդահատոր հարազատին իմոյ»²¹։

Մեկ տարի անց, 1446 թվականին, գաղափարելով ևս մի Ավետարան իր ուսուցչի՝ Թումա Մինասենցի հսկողության ներքո, հիմտանում է որպես գրիչ և հիմուրությունն իր զարգացնում այս ասպարեզում։ Թուման գրում է. «Իսկ ես՝ ունայնս ...և անարժան ծառայս ծառայիցդ Աստուծոյ Մինասենց Թումայս անուամբ ևեթ արեղայս՝ լուսյ զփափագ և զսէր և ետու գծագրել զաստուածախոս սուրբ Աւետարանս բուերորդոյ իմոյ՝ Հայրապետի սրբակրոն արեղայի»²²։

1447 թ. Ավետարանում Թուման հիշում է իր բոլոր և նրա որդուն՝ Հայրապետին²³։

Իսկ 1445 թվականին, իր իսկ ձեռնարկած Ճաշոցի էջերում, Թուման արդեն չհասցրեց հիշել իր «լերդահատոր» և «սրբակրոն» հարազատ Հայրապետ արեղային, քանզի Ճաշոցն այս կիսատ մնաց՝ վրա հասած մահվան պատճառով։ Այլևս ո՞վ պիտի շարունակեր Թումայի գործը, եթե ոչ իր ուշիմ, փորձառու և հավատարիմ աշակերտ Հայրապետ արեղան. «Բազում մեծ աշխատութեամբ հասուցի զսա յաւարտումն

¹⁶ Նույն տեղում, էջ 524։ Մ. Մ. հմր. 5515, 282թ-3ա։

¹⁷ Փիրղալեմյան, Նուտարք, էջ 127։

¹⁸ Ժե դարի հիշատակարաններ, Ե. Ա, էջ 563։ Մ. Մ. հմր. 4829, էջ 298թ։

¹⁹ Նույն տեղում, էջ 564։

²⁰ Նույն տեղում, էջ 582։

²¹ Նույն տեղում, էջ 583։ Մ. Մ. հմր. 5521, էջ 435ա։

²² Նույն տեղում, էջ 585։

²³ Նույն տեղում, էջ 609։ Մ. Մ. հմր. 4436, էջ 140թ։

յաստուածարնակ կողմից Աղթամար»²⁴, գրում է Հայրապետը: Հարազատների շարքում խնդրում է հիշել «նաև զընտրեալ փիլիսոփայն զՄինասենց Թումայ՝ զԲեռնիս իմ, որ զԴիրք զայս ի Մենդենէն մինչ ի Մառաշարն /իմա՝ Մաղկազարդ-Հ. Հ./ նա է գծագրեալ»²⁵: Ապա Հայրապետ գրիչը ցավով արձանագրում է Թումայ Մինասենց վարդապետի մահը. «նւ յայսմ ամի դառն կըսկծանաւ մարմնոյ փոխեցաւ առ Քրիստոս»²⁶:

Այսօր վերահիշյալ Ճաշոցից մնացել է ընդամենը 12 թերթ, այն էլ խիստ մաշված ու պատված վիճակում: Այն ընդգրկում է Հիսնակաց առաջին կիրակիից մինչև Սուրբ Մենդեյան նրագալույցի ընթերցվածքների հատակտորները: Այստեղից պետք է եզրակացնել, որ ունենա միայն Հայրապետ գրչի օրինակած հատվածք՝ իր կանոնավոր ու խոշոր տուրգրով: Գլխավոր հիշատակարանում չունենալով որևէ ակնարկ ծաղկողի մասին, որոշ վկայություններ գալիս են հաստատելու այն փաստը, որ Հայրապետն է սույն Ճաշոցի ծաղկողը: Նախան գլխավոր հիշատակարանը, որն ունի «Յիշատակարան սուրբ գրոցս» խորագիրը, Հայրապետը թողել է հետևյալ չափածո հիշատակագրությունը.

«Այս է վաստակ մատանց եղկելի
 Եւ մեղապարտ Հայրապետ եղեգնագծի,
 Եւ ձեզ ի վխելումն յաւետ լիցի,
 Եւ կաթ աղաւթից ձերոց ցողեսցէ
 Ինձ ի տապան գերեզմանի,
 Եւ բուսուսցէ յաւրն վերջին:

Եւ նորոգեսցէ ի նորոգումն կենաց յարձախութեանն երկնից. ամէն»²⁷: Յուրատեսակ հետաքրքրություն է ներկայացնում «եղեգնագիծ» արտահայտությունը, որը վկայում է ձեռագիրը եղեգնյա գրչով գրելու կամ մանրանկարելու փաստը:

Մանրանկարված գլխագրերը պատկերված են թե՛ հանգուցազրով, թե՛ թույնազրով և թե՛ մարդազրով: Չա էջի ստորին լուսանցքի աջակողմում իր ողջ հասակով պատկերված է՝ մեկ ձեռք օրհնության դիրքով առաջ պարզած, իսկ մյուսը ցուպին հենած լուսապսակով և ալեհեր Սուրբ Հովհաննես ավետարանիչ առաքյալը: Նրա գրեթե ոտների տակ կարդում ենք. «... աշակերտացն Քրիստոսի՝ Յոհաննու Եւ Յակոբայ»²⁸:

Իսկ ճի էջի լուսանցքում կարմիր Ավետարանը կրծքին սեղմած կանգնել է Սուրբ Բարսեղ Կեսարացին. «Շարաթ օր՝ սրբոյն Բարսղի Կեսարու հայրապետին և Դրիգորի Նիսացւոյն և Եփրեմի ճգնաւորին»²⁹:

Որպես ծաղկող, Հայրապետը հարազատ է վասպուրականի մանրանկարչական դպրոցի ավանդած սկզբունքներին: Գլխավոր հիշատա-

²⁴ Նույնի Ե. Բ. էջ 57: Մ. Մ. Խմբ. 9216, էջ 12ա:

²⁵ Նույն տեղում:

²⁶ Նույն տեղում:

²⁷ Մ. Մ. Խմբ. 9216, էջ 9բ:

²⁸ Նույն տեղում, էջ 2ա:

²⁹ Նույն տեղում, էջ 8բ:

կարանի էջերում նա ձաշոցն իր բնութագրում է որպես «փարթամ գանձ, լուսազարդ և պայծառ մարգարիտս և վարդափթիթ բուրաստանս»³⁰ :

Չնայած ցուցաբերած մեծ վարպետությանը, որպես մանրանկարիչ Հայրապետն իրեն բնութագրում է «անարհեստս ի յարուեստաւորաց»³¹ :

Լինելով քաղմավաստակ, փորձառու և Աղթամարի գրչարվեստի դպրոցի ճանաչված վարպետներից մեկը, 1458 թ. Հայրապետ արեղան իր աշակերտների կողմից, տվյալ դեպքում՝ Հակոբի, հիշվում է որպես «գուսուցիչն իմ՝ զմեծ և զընտրեալ փիլիսոփայն՝ զՀայրապետ կրաւնաւորն. ամէն»³² :

Մեզ հայտնի առաջին ձեռագիր միավորը, որն ամբողջությամբ ինքնուրույն կերպով օրինակել է Հայրապետ արեղան, վերաբերում է 1459 թվականին: Ավետարանն այս ընդօրինակվում է Աղթամարի Սուրբ Խաչ և Սուրբ Սարգիս եկեղեցիների հովանու ներքո, որի գլխավոր հիշատակարանում Հայրապետը ներկայանում է որպես «ունայնս և թափուրս յամենայն հոգևոր քարեմասնութեանց»³³ : Ներկայացնելով իր ապրած ծանր ժամանակաշրջանը, գրում է. «ամենայն երկիր երերեալ կայ և տատանեալ ի ձեռաց անաւրէն նետողաց»³⁴ : Նա աղաչում է. «Յիշել ի Տէր սրտի մտաւ՝ զմեղաւոր գծողս զՀայրապետ, և զծնաւդսն իմ զԽայտուր և զՈսկրտիկին, և զեղբայրն իմ զՅոհաննէս, և զկենակիցն իւր զԾարմէլիք, և զաւակն իւրեանց զՄուրատ սարկաւազ և զԲայրն իմ զՎարդ-Խաթուն, և զՄիրան սարկաւազն, որ աւգնական եղև մեզ ի նոկել թղթիս, և երախտաւոր քեռոյն իմոյ պատուական կրաւնաւորին Մինասենց Թումին, և ծնողաց նորին, և ամենայն արեան մերձաւորացն. ամէն»³⁵ :

Հայրապետի աշակերտներից մեկն էլ Միրան սարկավազն է, որը, ինչպեսև Հայրապետը ժամանակին /1428/, Թումա Մինասենցի մոտ աշխատանքն իր սկսում է թուղթ կոկելով:

Արագագրիչ Հայրապետ արեղան նույն թվականին հասցնում է ավարտել ևս մեկ Ավետարան. «Գրեցաւ ծաղիկ Աւետարանս ձեռամբ Հայրապետ արեղայի, յԱղթամար, ի թվին ԶԸ /1459/³⁶ »:

Ներսես Ակինյանը գրում է. «Հայրապետ գրիչ Աւետարան մը նաւարտէ ԶԺԴ /1465/ թուին յԱղթամար, ի հայրապետութեան տեառն Ստեփանոսի կաթողիկոսի, ի դառն և ի վշտալից ժամանակիս, յորում ի խիստ և ի նեղութեան և ի չար ծառայութեան կամք ազգին նետողաց. զի յոյժ կիզեն և կեղեքեն զազգս քրիստոնէից»³⁷ :

³⁰ Նույն տեղում, էջ 11բ:

³¹ Նույն տեղում, էջ 12ա:

³² Ժն դարի հիշատակարաններ, Խ. Բ. էջ 102: Մ. Մ. Խմբ. 959, 307բ:

³³ Նույն տեղում, էջ 127: Մ. Մ. Խմբ. 5417, էջ 297բ:

³⁴ Նույն տեղում:

³⁵ Նույն տեղում, էջ 127-128:

³⁶ Նույն տեղում, էջ 128:

³⁷ Գաւազանագիրք, էջ 115:

Նույն՝ 1465-ին Ղարիպշա մահտեսին մի ձաշոց է նվիրում «աստուածային սուրբ աթոռոյս Սուրբ Խաչիս Աղթամարայ»³⁸ և միաբանների հիշատակման ընթացքում նշում նաև «սուրբ Հերապետ փիլիսոփայի»-ն³⁹։

Այսպիսով՝ կրոնավոր և գիտնական գրիչ փիլիսոփա Հայրապետ արքեպիսկոպոս 1467 թվականին միանում է այն ընտրյալների թվին, որոնց Ստեփանոս Աղթամարցի Կաթողիկոսը բերում է Մայր Աթոռ Սուրբ Էջմիածին, որն իր տեսակի մեջ յուրատեսակ փորձ էր՝ կրկին երկու Աթոռները միասնական տեսնելու։ Տեղ հասնելուն պես, կարծում ենք, Կաթողիկոսի պատվերով Հայրապետ արքեպիսկոպոս սկսում է Վաղարշապատում օրինակել վերոհիշյալ ձառնուտի ժողովածուն։

Դեռ չավարտած այս ձառնուտի մահանում է Ջաննահ գահակալը, որն, ինչպես վերը նշվեց, Ջաֆարիա Աղթամարցի Կաթողիկոսի և Ստեփանոսի ջերմ պաշտպանն էր և նեցուկը։ Հասան Ալիի հայածամբներից խառնակելով, Ստեփանոս Կաթողիկոսը թողնում է Ս. Էջմիածինը և յուրայինների հետ վերադառնում Աղթամար։ Այստեղ էլ Հայրապետ արքեպիսկոպոս կարողանում է ավարտին հասցնել Վաղարշապատում սկսած իր ձառնուտի ժողովը։

Հայրապետի կյանքի մնացյալ օրերն անցնում են Սուրբ Խաչի աստվածընկալ կամարների ներքո։

1470 թ. նա գաղափարում է մի Ավետարան, որի ծաղկողն իր եղբորորդի Կարապետն է, «...Կարապետ քահանայն, որ զսուրբ Աւետարանս, որ ծաղկով գարդարեաց»⁴⁰։

Մեկ տարի հետո, 1471 թ., երբ լրացել էր «Վաղարշապատի Մաշտոցի» տասը տարին /գրիչ՝ Ստեփանոս Կաթողիկոս, ստացող՝ Ջաֆարիա Աղթամարցի Կաթողիկոս/, Ստեփանոս Կաթողիկոսի եղբայր Ներսես եպիսկոպոսը, Ստեփանոս Կաթողիկոսի պատվերով, օրինակում է նմանատիպ մի ձեռնադրության Մաշտոց՝ նախագաղափար օրինակ օգտագործելով Վաղարշապատի Մաշտոցը⁴¹։ Հիշատակարանում Ներսեսը գրում է. «/յիշեցէ/ զուսուցիչն մեր զՄիմասենց Թումէն, որ բազում աշխատանաւ կրեաց ի վերայ մեր, և զսուրբ Հերապետ փիլիսոփայն, որ շատ նեղութիւն կրեցին ի վերայ մեր»⁴²։ Լինելով Հայրապետի կրտսեր սերնդակիցը, Ներսեսը, հավանական է, աշակերտել է նաև Հայրապետ արքեպիսկոպոսին։ Հիշատակարանի մեկ այլ հատվածում Ներսես եպիսկոպոսը Հայրապետին հիշում է որպես «համշիրաֆ» եղբայր⁴³։ Մեր աչքի առջև ունենք ուսուցիչ-աշակերտ սերնդափոխման

³⁸ Ժն դարի հիշատակարաններ, Ե. Բ. էջ 240։ Մ. Մ. հմր. 982, էջ 533ա։

³⁹ Նույն տեղում։

⁴⁰ Նույն տեղում, էջ 303։ Մ. Մ. հմր. 8928, էջ 287բ։ Հիշատակարանում, ժամանակի դժվարություններից անդրադառնալով, գրիչը գրում է. «Այլ և Բ/2/ ամ է, որ սուր ըարկութեանն Աստուծոյ, այսինքն է մահտարածաժամ /հավանորեն խռովում է համաճարակի երևույթի մասին - Զ. Զ./ և բանգութիւն ամենայն իրաց, և այս վտան ծաւալեալ մեղաց իմաց վասն որոյ ի ձեռն ձեր սուրբ աղօթիցդ և ամենայն սրբոց բարեխօսութեամբ ըրածցէ Տէր Աստուած զամենայն տխուր տրտմութիւն տարադէմ պատանման ի յաշխարհէս. ամեն»։ Մ. Մ. հմր. 8928, էջ 288ա։

⁴¹ Վաղարշապատի Մաշտոցը, էջ 85։

⁴² Ժն դարի հիշատակարաններ, Ե. Բ. էջ 310։ Մ. Մ. հմր. 5702, էջ 241բ։

⁴³ Նույն տեղում, էջ 309։

մի շղթա, որն էլ, հավանորեն, ապահովում էր տվյալ երկրամասի կամ գավառի յուրահատուկ մանրանկարչությունը, կազմելու արվեստը, թանաֆն իր պատրաստման յուրատեսակ կերպով, ձեռագիրն իր ամբողջությամբ՝ բուղթ կոկելուց մինչև պրակակալում, այսինքն՝ գրչարվեստն իր բոլոր դրսևերումններով:

Նույն 1471 թ. Հայրապետ արեղան ավարտում է «Մայր Մաշտոց» ծիսարանը, որի ծաղկողը դարձյալ Կարապետն⁴⁴ է և նրա եղբայր Մուրատը⁴⁵: Ձեռագիրն ավարտելով, Հայրապետն այն հանձնում է «Աղբամարայ Սուրբ Խաչիս և անարատ և մափուր Սուրբ Աստուածածնի տաճարի դրանս, որպեսզի սպասաւորէ Սուրբ տաճարիս ընթեռնուն զսա և Աստուած-ողորմին անմոռաց ասասցեն մեզ»⁴⁶: Այնուհետև տեղեկանում ենք, որ ձեռագիրը գերեզմարվել է: Հայրապետը հիշում է նաև Միրանին, «որ գերի գնեց և յուղարկեաց ի յԱղթամար: Բրիստոս զինքն ւերինէ և զիւր որդիքն. ամէն»⁴⁷:

1476 թվականին կատարելով իր մորաֆրոջ՝ Մինա-Խաթունի պատվերը, որը մայրն է Ստեփանոս Կաթողիկոսի և Ներսես Եպիսկոպոսի, Հայրապետ արեղան գաղափարում է մի ձառընտիր⁴⁸: Լինելով ծնողն իր երկու գրիչ որդիների, այնուամենայնիվ հետաֆրախան է, թե ինչու՞ է իր քրոջ որդուն պատվիրում օրինակելու վերոհիշյալ ձառընտիրը:

1478 թվականին տիկին Դուրդանեն և իր քույր Շահգադեն Հայրապետին խնդրում են գաղափարել մի Ավետարան, որի ծաղկողը նույնպես Կարապետն է⁴⁹:

Իսկ 1480 թվականին տանուտեր Կարապետի պատվերով անվանի գրիչն օրինակում է մի Մաշտոց «ի դառն և ի նեղ ժամանակիս»⁵⁰:

Չորս տարի անց, 1484 թ., Հայրապետ արեղան, տեսնելով «զփափագ Գոհարին և զսէրն, զոր ունէր առ հոգևորսն», ավարտում է մի Ավետարան «յաստուածաբնակ կղզիս Աղթամար...»⁵¹:

Կարապետ ծաղկողի և Հայրապետ գրչի ևս մեկ համագործակցության ենք հանդիպում 1490 թ., երբ Դովաթ-Խաթուն տիկնոջ պատվերով Հայրապետը ընդօրինակում է ևս մեկ Ավետարան. «Բազում աշխատանօք գծագրեցի զսա ի ստոյգ և յընտիր արինակէ՝ կենաւ տառապանօք, ի դառն և ի վշտաբեր ժամանակիս, յորում կամք ընդ հարկի անօրինաց»⁵²:

Ուշ դարձնելով պատմության ընթացքին, նկատում ենք, որ այս թվականից սկսած այլևս չենք հանդիպում Հայրապետ արեղայի կողմից գաղափարած և ոչ մեկ ձեռագիր:

⁴⁴ Նույն տեղում, էջ 312: Մ. Մ. հմր. 4775, էջ 359ա:

⁴⁵ Նույն տեղում, էջ 313:

⁴⁶ Նույն տեղում, էջ 312:

⁴⁷ Նույն տեղում, էջ 313:

⁴⁸ Նույն տեղում, էջ 407:

⁴⁹ Նույն տեղում, էջ 431:

⁵⁰ Նույն տեղում, էջ 445: Մ. Մ. հմր. 5581, էջ 241ա:

⁵¹ Նույն տեղում, Ե. Գ, էջ 58:

⁵² Նույն տեղում, էջ 154: Մ. Մ. հմր. 7585, էջ 269ա:

1492 թ. մեզ հայտնի Կարապետ ծաղկող ֆահանան հիշման է արժանացնում իր ուսուցիչներին՝ «հօրեղբարն իմոյ Հայրապետ սրբակրան արեղային և զՄինասենց Թումայ արի և ֆաջ փիլիսոփային»⁵³ :

Վերոհիշյալ Կարապետ ֆահանան 1498-ին մի Մաշտոց ծիսարանում գրում է. «Դարձեալ աղայեմ յիշեցէի ի Քոնստոս և զիս՝ անարժան ծառայս ծառայացող Աստուծոյ զԿարապետ ֆահանայս, և զծնաւդն իմ՝ զԹոհաննէս և զՇարմելիք, և զհաւրեղրայրքն իմ՝ մեծ և զընդրեալ փիլիսոփայքն և զգարտո/ւ/ղարքն զՄինասենց Թումայն և զՀայրապետ արեղայրքն»⁵⁴ :

Այս է մեր ունեցած վերջին տեղեկութիւնը «մեծ և ընտրեալ փիլիսոփայ և ֆարտուղար» Հայրապետ արեղայի մասին:

Այս ամենից հետո կարելի է եզրակացնել, որ Հայրապետ կրոնավորը, հավանաբար, վախճանված պիտի լինի 1490-1491 թթ. ընթացքում, այսինքն՝ 85-86 տարեկան հասակում:

Հայրապետ արեղայի՝ մեզ հասած ընդհանուր գրչագրական ժառանգութիւնը հետևյալն է.

ա. ԱՂԵՏԱՐԱՆՆԵՐ՝ 9 միավոր, որից մեկին մասնակցել է որպես թուղթ կոկող:

բ. ՃԱԽԸՆՏԻՐ՝ 3 միավոր:

գ. ՄԱՇՏՈՑ՝ 2 միավոր:

դ. ՃԱՇՈՑ՝ 1 միավոր:

Այսպիսով՝ Հայրապետ արեղայի ձեռագիր ժառանգության ընդհանուր թիվը կազմում է 15 միավոր, որից 14-ի գաղափարողն ու նաև ծաղկողն է:

Այս փաստերը օգնում են հասկանալու, թե ինչու հենց Հայրապետին պետք է ընտրեի Ստեփանոս Կաթողիկոսը, որպեսզի Մայր Աթոռ Սուրբ Էջմիածնում գրված ձեռագրով իսկ սրբագործվեի իր մուտքը Սուրբ Էջմիածին և հավերժանար պատմության ընթացքի մեջ:

ՀՈՎԻԿ ՀԱՅՐԱՊԵՏՅԱՆ

⁵³ Նույն տեղում, էջ 187: Մ. Մ. հմր. 4201, էջ 365ա:

⁵⁴ Նույն տեղում, էջ 268: Մ. Մ. հմր. 5181, էջ 208ա: